

مجموعه ابو الضیاء

ماسوا شایسته شدن دلی تطهیر و پالاش
بر تو حکمت و عرفان الهی توره آتش

علوم و معارفدن بحث ابدی و هر ماه عربی ابتدا سیه اون بشده نشر اولور مجموعہ درین

عدد ۲۳ - جلد ۲ [۱۵ شعبان سنہ ۱۲۹۹] [نصفہ سی ۳۱ عروش]

اصل غرابت قهوه و قتیله جهانک هر طرفند عربستاندن انتشار
ایلدیکی حالد، کیده کیده مخرجنده همان تخی انقراض بولمش دیندجک
راده ده پک آز محصول آلتقمده در . (انتهی)

مرثیه یحیی

شهرزاده سلطان مصطفی ک اعدامند در .

[۱]

مدد مدد بوجهانک یققدی بریانی
اجل جلالیری آلدی مصطفی خانی !
طوتلدی مهر جمالی، بوزولدی ارکانی
وباله قویدیلر آل ایله آل عثمانی .
پکرلر ایدی پکنده او مرد میدانی
فلک او جانبه دوندردی شاه دورانی،
یالانجینک قوزی بهتانی، بغص بهتانی،
آقتدی یاشمزی یاقدی نار هجرانی
جنایت ایتدی جانی کبی آتک جانی
بوغولدی سیل بلایه طاغلدی ارکانی .

نولیدی کورمیه ایدی بوماجرایی کوزوم
یازقلر آکا روا کورمدی بورایی کوزوم .

[۲]

طوناندی آقلر ایله نوردن مناره دونوب،
کشاده خاطر ایدی شوقله نهاره دونوب،

یورردی قوللری یانجه لاله زاره دونوب،
 او تاغ خیمه لری قارلی کوهساره دونوب،
 مزین ایدی بدنلرله آق حصاره دونوب،
 طولندی کلدی چونکیم او ماهپاره دونوب،
 کورنلر آغلادیلر ابر نوبهاره دونوب،
 بر ازدهای دوسر دربو خیمه دنیا
 دهاننه دوشن اولور همیشه ناپیدا!

[۳]

او بدر کامل و اول آشنای بحر علوم
 فتنه واردی تلف ایتدی آتی طالع شوم .
 دوکوندی قالدی همان حسرتله داغ نجوم
 کویندی شام فراقندن طولدی یاشله روم
 قرا کیدیردی قرامانه غصه ایتدی هجوم .
 او ماهی آنجه خیالیه ایتدیلر معدوم .
 طولاندی کردنه هله کبی مار سموم .
 قضای حق نه ایسه راضی اولدی اول معصوم
 زهی سعید و شهید، زهی شه مظلوم .
 بوغولدی پر یوزنده اصلنه رجوع ایتدی .
 سعادت ایله همان قرب حضرته اکتدی .

[۴]

کتوردی آرقه سنی بیره زال دور زمان
 وجودینه ستم [رستم] ایله ایردی زیان
 دوکولدی کوز یاشی بیلدیزلری چوغالدی فغان
 دم مماتی قیامت کونندن اولدی نشان .

غریب و نالہ و زار ایلہ طولدی کون و مکان
 آقار صو کبی مدام آغلامقده بیر وجوان
 وجود ایلنه آقن صالدی آقدی اشک روان
 ایاسریر سعادتمده بادشاه زمان
 او جان آدمیان اولدی خاکله یکسان
 دیری قاله نه روا فساد ایدن شیطان؟

نسیم صبح کبی یرده قویمه آهمزی
 حقارت ایلدیلر نسل پادشاهمزی .

[۵]

بر ایکی اگری فساد اهلی ننه کیم شمشیر
 بر ایکی نامه تزویری قیلدی قتلنه تیر
 کلیر ازلده مقدر اولان قلیل و کثیر
 هزار قیصرک اوله لباس عمری قصیر
 اجلدر آدمه دربند تنک و تار و عسیر
 زبون اولور آکا آخر کرک جوان ایلہ پیر
 بری مهور کین ایلدی او مهر منیر
 کم اولدی کندی جهاندن مثال مرد فقیر
 بو واقعه اوله من خلقه قابل تعیر
 که اردشیر ملکتتمده اوله عادت شیر

بونک کبی ایشی کیم کوردی کیم ایشندی عجب؟
 که اوغلنه قیه بر سرور [عمر] مشرب!

[۶]

فرید عالم ایدی؛ عالم ایدی؛ علم ایدی .
 محمد امتنه موتی موت اعالم ایدی .

زیاده ماتم ایدی خیلی امر معظم ایدی
 صلاح و زهدی قوی اعتقادی محکم ایدی
 اکابر ایله مصاحب رجاله همدم ایدی
 مکار میله کریم الخصال آدم ایدی
 نجوم کبی جهان دیده و مکررم ایدی
 وجودی محتشم و شوکتی معظم ایدی
 تواضعله سلامنده خود مسلم ایدی
 عجب او بدر تمامک نه عادتق کم ایدی ؟

حیفقر اولدی آکا افترا ایله کندی
 حضور حقه دعا و ثنا ایله کندی .

[۷]

سهرک آینه سنده کوروندی روی فنا
 قودی بو کثرت دنیایی ایتدی عزم بقا
 غریبار کبی کندی او بوللره تنها
 چکلدی عالم بالایه همچو مرغ هوا
 حقیقه سبب رفعت اولدی دشمن آکا
 نصیب اولدی آخر بوجیفه دنیا
 حیات باقیه ایردی روحی ای (یحیی)
 شفیق روح محمد رفیق ذات خدا
 انیسی اوله ملکر جلیسی اهل صفا
 زیاده ایده یاشم کبی رحمت مولا

الهی جنت فردوسی آکا دوراغ اولسون
 نظام عالم اولان پادشاه صاغ اولسون .